

*Julapii Acido-dulcis ſbij.*

R. Aq. font. puræ ad medias coctæ ꝯxxij. Syr.  
Violar ꝯij. Syr. Garyoph. (vel è Rubo Idæo)  
ꝯj. Sp. Vitrioli q. ſ. ad gratiam, m.

Acida Bilioſis in Febribus (inquit Riverius)  
nunquam omittenda; quia Amara dulcificantur  
per Acida; quæ, ſi intenſa ſunt in ſuo gradu  
(ut Sp. Vitrioli, aut Sulphuris) iptius Aloes &  
Colocynthidos amaritudinem delent: Bilis au-  
tem flava ſuo amarore ſpoliata, mortua eſt, &  
innoxia. Atque alibi dicit: De Spiritu Vitrioli  
& Sulphuris hoc diligenter advertendum, in  
Febribus Putridis magnum eſſe illius uſum;  
quia inſignem vim habet refrigerandi, aperiendi,  
Putredini reſiſtendi, Inflammabilitatem humo-  
rum prohibendi, & Sitim ſedandi. Attamen  
in Pleuritide, Peripneumonia, Hæmoptoe,  
Phthiſi, cæterisque Pulmonum Affectibus, Ven-  
triculi Inflammatione, Dyſenteria, Renum &  
Veſicæ Ulceribus, plurimum nocere, & ab eo  
abſtinendum eſſe.

Julapium hoc elegantiffimum, & longè gra-  
tiſſimum, exhiberi poteſt frigidum in Febribus  
ardentibus ad ꝯij. vel ꝯiv. ſextis horis.

Ut Acidorum Chymicorum vires ampliùs il-  
luſtrem, Obſervationem oppido raram, mirabi-  
lem, utilemque, hic memorabo.

Servus Rhedarius D. Dixon de Maidſtone  
Variolis confluentibus pernicioſè decumbens,  
die ab Eruptione decimo, Phrenèſi correptus,  
ex Gingivis, Naribus, Auribus, Oculis, Pene,  
etiam & ex Puſtulis varioloſis Sanguinem (ter-  
ribile viſu) profudit.

Ita ſors tulit, ut eo ipſo die advocatus fuerim  
ad illud oppidum: Ideòque D. Finch. Pharma-  
copæus pro hoc ſuo patiente me conſuluit.

Primum quidem inevitabile (ut videbatur) Fatum exhorrescens, medicamina morienti porrigere recusavi: Sed illo acrius instantè, & repulfam pati nolente, liberalem Sanguinis missionem imperavi; & Hautum è fortioribus Stypiticum, & Paregoricum, præscripsi.

His nihil proficientibus, malum Cuneum malo Nodo deberi ratus, Olei Vitrioli guttas quadraginta ex vehiculo fatis largo statim propinandas, & elapfo horæ dimidio reiterandas, suafi.

Has simul ac fumpferat, Deus bone! Quanta rerum mutatio! Quanta passus est! Conturbationes inexplicabiles; & Angores adeò intolerandas, ut postea (sanus, & eorum recordatus) vel ipsam vitam tali pretio redimere vix tantum esse dixerit.

Omnes autem illicò Sanguinis Cataractæ sunt oclusæ: mox obdormivit; postea mente constans, & febris expers, evigilavit; atque ab eo tempore sensim convalescens, sanus & sospes evasit.

*Julapii Alexiterii ℞j.*

℞. Aq. Lact. Alexiter. Cerafor. nig. ā ʒiv. Aq. Rutæ ʒiij. Epidem. ʒij. Tinct. Croci (Aq. Theriac. parata) ʒj. Syr. Garyophyl. ʒij. Lap. de Goa, Lap. Contray. ā ʒj. Confec. Alkerm. ʒij. m.

Necessarii usus est in Febris putridis, & malignis, ubi Spiritus à Veneno deleterio; & sphacelante ferè obruuntur, & enecantur; ad illos nempè vividè expandendos, & exfuscandos; indeque ad Sanguinis miscelam debitam restaurandam; Venenum debellandum; & foras eliminandum. Ad hos fines pro re nata concedi potest ad cochl. v. octavis, sextis, vel tertiis horis. Diligenter verò observandum, quòd quamprimum Phlogosis Spirituum & Sanguinis hoc ritu

ritu restituitur; ne incendium funestum inde suborietur, prorsus ab hujusmodi calidiorum usu tempestive abstinere oportet; aut saltem eorum dosis minuenda, & rarius repetenda est.

*Zulapii Antemetici* ℥xij.

R. Aq. Gemm. Querc. Cinnam. hord. ā ℥iij. Aq. Gent. comp. Absinth. comp. Syr. Limon. ā ℥ij. Sal. Absinth. ℥ij. Laud. liq. gut. 40. m.

Hujus elementa sunt, Sal fixum Acido commissum, & in tertium quid coalitum; Aromatica; Astringentia; & Laudanum; atque ideo Fermentum acre obtundit; Stomachi vigorem & tonum restituit; Spirituum furores coercet; Fibillarum spasmodum confopit; & Vomitus efficaciter sistit Dos. cochl. iij. per vices frequentes.

*Zulapii Astringentis.*

R. Aq. Plantag. & Gemmul. Querc. ā ℥iv. Menthae ℥fs. Cinnam. fort. ℥ij. Syr. e Rosis sic. ℥fs. Diascord. Boli ā Div. Terr. Japon. ℥ij. Ol. Nuc. Mosc. gut. ij. m.

Contra Diarrhoeam inscribitur. Diarrhoea vero symptomata (illa nempe quae Febris in principio supervenit) ut plurimum est mala: Primo, Quia impedit coctionem materiae morbificae, seu legitimam ejus separationem per naturalem humorum fermentationem. Secundo Quia vires perniciosae profertur. Tertio Quia subsequens est febrilis Colliquationis; id quod patet, quoniam Excreta tunc temporis sunt plurimum foetida. Ergo talis Diarrhoea semper erit sistenda; aut saltem ita cohibenda, ne fiat exorbitans. Medici alias ordinario putant indicari tunc Purgationem, quando talis supervenit Diarrhoea; sed recte dicit Lindanus, ipsos tunc nescire quid sit superveniens Morbo: Nam cum super-

veniat talis Diarrhoea tantummodo propter summam materiae cruditatem, & acrimoniam, eamque saepius malignam; humorumque etiam confusionem; statumque colliquativum; non debet sane irritari, & exasperari Purgantibus; sed vel in totum sisti; vel saltem intra debitos limites coerceri. Dos. ℥iij. sextis horis, donec refrænetur symptoma; & postea bis, vel semel in die, pro rei emergentis ratione.

*Julapii Aurei ℥j.*

℞. Vini Canar. ℥j. Garyoph. contus. ʒj. Croci scissi ʒss. Macera in Balnei calore horam j. Col. adde Spir. Hormini (Essentiâ Amb. grif. imbuti) ʒss. Spir. Lavend. Comp. ʒj. Syr. Garyoph. ʒiſs. Succ. Chermes ʒss. Fol. Auri N°. iij. m.

*Julapii Camphorati ℥j.*

℞. Aq. Bacc. Sambuc. Aq. Ceraf. nigr. ā ʒvj. Aq. Bryon. comp. ʒj. In istis extingue (ad totalem consumptionem) Camphoræ accensæ Div. Adde Syr. Bacc. Samb. & Syr. Ceraf. nigr. ā ʒiſs. m.

Hoc præcellentissima inter Hysterica numerari debere, saepius repetita docuit Experientia: Spiritus namque efferratos mirè sedando; desultorios coërcendo; & dissipabiles condensando, figendoque; Paroxysmum præsentem abrumpit, & expectatum præcavet: Imò si pertinaciter usurpetur, nonnunquam & Affectum ipsum radicatus extirpat. Propinentur ʒij. vel ʒiij. pro doli.

*Julapii Carminativi ʒxij.*

℞. Vini albi. ʒiv. Aq. Aer. Chamæm. Rutæ ā ʒiij. Aq. Pæon. comp. ʒiſs. Sacch. albiss. ʒvj. Ol. Junip. Spir. Sal. Armon. ā gut. xxiv. m. Phlegmatis in Ventriculo, & Intestinis, tenaci-

citatem incidit : Spumam , & Bullas , ex ejus  
conquassatione ortas , dissilire facit ; Flatus , iis  
inclusos , dissipat : Calorem Viscerum deficien-  
tem restituit ; Spasmodicamque Membranarum  
perturbationem tollit. Utilissimè præscribitur ad  
Ructus & Flatus , Ventriculum , & Hypochon-  
dria distendentes , & cruciantes ; ad Colicam  
flatuosam ; Tormina post Partum ; Vertiginem ,  
&c. Dos. ℥iij. vel ℥iv. vase prius benè agitato.

*Julapii Caryophyllacei ℥xij.*

R. Caryophyll. aroma. contus. gr. xxiv. Croci  
gr. xij. Aq. Ceraf. nig. ℥iv. Aq. Cinnam. Mirab. ā  
℥j. Pæon. comp. ℥ss. Fiat maceratio calida & clau-  
sa hor. j. Col. adde Vini Canar. ℥iv. Syr. Garyo-  
phyll. ℥iss. Spir. Lavend. comp. gut. 48. Ol. Vi-  
trioli gut. iv. Fol. Auri N. j. m.

Stomachicum est , Cardiacum ; Cephalicum.

*Julap. de Castoreo ℥xij.*

R. Fol. Rorisinar. recent. concis. M. j. Aq. font.  
ferventis ℥xij. Fiat Infusio calida per horam. j.  
Col. clar. ℥viij. adde Aq. Rutæ , Puleg. Bryon  
comp. ā ℥j. Pæon. comp. Tinct. Castor. ā ℥ss. Sal  
Succini ℥ss. Sacch. alb. ℥vj. m.

Contra Affectiones Hystericas dentur cochl.  
v. cum Sp. Sal. Armon. gut. x.

*Julapii Cephalici ℥xij.*

R. Aq. Ceraf. nig. ℥iv. Rutæ ℥iij. Pæon. comp.  
℥ij. Bryon. comp. ℥j. Tinct. Castor. Spir. Lavend.  
comp. ā ℥ij. Ol. Nuc. Mosc. gut. iv. Syr. Pæon.  
comp. ℥iss. Pulv. de Gutteta Div. m.

Ad Epilepsiam , & Affectiones quascunque  
Convulsivas , & Soporosas ; ad Capitis Dolorem ,  
Vertiginem , & Paralyfin , cum fructu usurpatur.

Propinari possunt cochl. v. ante , inter , vel im-  
mediatè post Paroxyfinum. Ad præcautionem

verò manè, & vesperi; præsertim juxta singulas Lunæ periodos; circa hæc tempora enim Cerebrum miras patitur alterationes; siquidem in Plenilunio (ut ex Vulneribus Capitis patet) Cerebrum turget, & totam Calvariæ cavitatem replet; imò extra Vulnus sæpè attolli visum est: Decrescente verò Lunâ, usque ad Novilunium, subsidet, & tunc minima ejus quantitas cernitur: Ut Ostrea, Piscesque Testacei omnes in Plenilunio turgentiores, & meliores habentur, in Novilunio è contra.

*Julapii Chalybeati ℞j.*

℞. Aq. Fœnic. Petrosel. ā ℥xij. Sal. Chalyb. pul. ℥ij. Dissolve super prunas; repone 24. horas. Liquori claro effuso adde Aq. Raph. comp. Syr. è 5. Rad. ā ℥iv. Spir. Cochl. Elix. Propr. Tartarifatā ā ℥ss. m.

Incipiendum est à minori dosi, sc. cochl. iij. quæ sensim augenda est ad cochl. vj. vel. vij.

Observabit interea Medicus, num ager Chalybem excernat nec ne; quod ex sæcum nigredine cognosci potest: alias si non excernatur, quinto aut sexto die clystere, vel eccoproptico, alvum movebit; imò utiliter poterit Chalybeata Purgantibus admiscere; ut aperiat, & in corpore non subsistat. Primeros. de Morb. Mulier. 176.

*Julapii Cordialis ℥xij.*

℞. Aq. Melissæ, Cerass. nig. ā ℥iij. Cinnam. hord. ℥ij. Epidem. ℥iss. Pæon. Comp. Syr. Garyoph. ā ℥j. Limon. ℥ss. Confect. Alkermes Div. m.

Hujusmodi Cardiaca quamprimùm in Stomachum ingeruntur, imò interdum Ore tantùm libata, virtutes suas exerunt; & cum grato appulso, Spiritus in primis viis, sive corporis velut porticu, degentes, refocillant, aut instaurant: dein

dein horum continuitate, Ovatio eadem in Spiritus alios successivè tradita, brevi per totam Animæ sensitivæ compagem undulat; proinde ut tum Cerebrum, tum Pracordia, pleniorè Spirituum (quasi exultantium) influxu irradiata, functionum suarum munia multò vegetiùs & alacriùs obeant; atque ita Pulsus, priùs debilis, aut vacillans, mox fortius vibret; & Sanguis cum majori impetu circumpellatur.

Hicce autem vigor ascititius, cùm à Spiritùs Vinosi, diffilabilis adeò & fugacis, afflatu solum pendeat, valdè reperitur evanidus, & momento labitur; atque dein æger (non obstante vi Julapii) in pristinos languores rursùm recidit: Ideòque (si communis passim pateretur mos practicandi) tenuibus his Julapiis, generosa Electuaria, Oleis aromaticis ditata, quæ in Ventriculo diutiùs retineri possent, ibique gratum spirarent, & Spiritus, æque saltem ac Julapia, demulcerent, & exultare facerent, libentiùs sæpe substituerem.

*Julapii Cordialis temperati ℞j.*

℞. Aq. Ros. Damasc. ℥viii. Vini Rhen. ℥iv. Succ. Aurant. ℥j. Aq. Cinnam. fort. ℥ij. Sacch. albi ℥j. Pul. subtil. C. C. ℥iv. m.

Solamen & suppetias affert in Febribus; quando æger præ caloris incendio ferè comburitur, siti deficit, oblanguetque, item quando recrementa ustulata, biliosa, acria, è sanguine buliente in Ventriculum suffusa, ægritudinem, & angorem miserabili modo affligentem, concitant. Dos. ℥iv. ter vel sæpiùs in die.

*Julapii Crocati ℥xij.*

℞. Croci (minutim forcipibus concisi) gr. xvij. Coëccinel. (contus. & nodulo raro inclusæ) ℥ij.

ʒij. Aq. Ceraf. nig. ʒiv. Ment. ʒij. Maceratione calidā & clausā per horam j. præmissā, affunde Vin. Canar. ʒiv. deinde validè exprimantur species, & liquori colato adde Ol. Cinnam. Nuc. Mosc. Garyoph. ā gut. ij. Vitell. Ov. N<sup>o</sup>. j. Spir. Lavend. comp. ʒifs. Succ. Cherm. col. Syr. è Rubo Idæo ā ʒfs. Syr. Garyoph. ʒj. Fol. Auri N<sup>o</sup>. ij. m. f. a.

Cardiacum est generosum: contra Cordis Palpitationem valet.

*Julapii Diuretici Acidi lbij.*

℞. Vini Rhen. lbj. Succ. depur. Parietar. Limon. ā ʒij. Aq. Aparines, Spir. Vini Gall. Syr. è ʒ. Rad. ā ʒiv. m.

Sola Acida Diuretica Sanguinem fundunt, ac in ferositates præcipitant; uti cùm Acidum lacti ebullienti insillatur. Attamen hoc non adeò pariter omnibus, nec etiam quibusvis, ex æquo contingit. In Constitutione sana, aut non multum ab ea remota, Sal Cruoris partim fixus, & partim nitrosus, partimque volatilis existit: item in Scorbuticis, & Hydropicis quibusdam, iste plerumque fixus evadit: quamobrem in singulis his casibus, Diuretica fale Acido prædita cum fructu adhibentur. In Affectibus verbò Catarrhosis, & in quibusdam Hydropicis, & Scorbuticis, cùm in Fluoris statum sanguinis particulæ salino fixæ evehuntur, ac volatiles depriuntur (uti crebro evenit) Remedia Acetosa obesse potius quam prodesse solent; quatenus Sanguinem, à crasi recta degenerem, magis pervertunt; quinimò his medicamenta Sale fixo, ac Volatili prædita potius ex usu erunt. Dos. ʒiv. vel ʒvj.



*Fulpii Diuretici Aromatici ℥j.*

℞. Vini albi Ulyssiponenf. ℥viii. Aq. Fœnic.  
 ℥iv. Aq. Raph. comp. ℥iij. Tinct. Sal. Tart. ℥fs. Ol.  
 Junip. gut. xxiv. Ol. Anisi, Ol. Nuc. Mosch. ā  
 gut. viij. Sacch. albi ℥j. m.

Aromatica, quatenus Diuretica, non tam agunt in Sanguinem, quam Organa ipsa. Non illorum enim esse videtur, ut Cruoris contexturam nimis strictam referant, & liquent; Serumque ab ejus amplexibus secedere faciant; sed potissima eorum operandi ratio certissime consistit in hoc; quod ob volatilitatem, tenuitatem, & caliditatem, Renes & Ureteres aperiunt, detergunt, confortant, & ad munus suum defungendum hortantur, & stimulant. Ideoque hoc medicamentum; locum habet, non in Febre, Scorbuto, &c. ad Sanguinem fundendum, & depurandum; sed maximè in Arenulis, ad Sabulum, & Mucum, vias urinarias obstruentem, amovendum; atque ita ad Urinæ cursum vindicandum. Quoties verò in Paroxyfimo Nephritico gravis adfuerit Renum incalescentia, & dolor; ab hujusmodi calentibus, & stimulantibus, omnino abstinendum erit; ne Membranæ scilicet, & Ureteres, in Spasmos, & Constrictiones fortiores adigantur; atque inde Arenulis & Calculo descensus penitus intercludatur.

Aliis etiam (præter Calculum) Affectibus utilem præstat operam: quatenus enim (propter partium tenuitatem, aperiendi, stimulandi, & confortandi facultatem) lympham congelatam, & feculentam saburram, in canaliculato corporis habitu depositam, è latibus exturbet; sanguinis circulantis in rivum pellat; atque ita (licet secundario) per Diuresin evacuet; Hydrope & Mensium obstructione laborantibus longè

esse proficuum expertus sum. Dof. ꝑiv. vel. ꝑvj. bis terve in die.

*Julapii Diuretici Nitrosi lbij.*

℞. Aq. Aparines ꝑxx. Aq. Raph. comp. Syr. Alth. ā ꝑvj. Sal. Prunellæ ꝑis. Sal. Succini ꝑij. m. Sanguinem, & Succos, eluit, & eliquat; Sales Tartareos, & Mucum aggestum, dissolvit, & expellit; Renes & Ureteres refrigerat, aperit, & detergit. Tutius hoc videtur remedium, quandò multum calefcit & dolet Lumborum regio, quàm superius illud Aromaticum. Observandum verò, nimium frequentem hujusmodi Nitrosorum Diureticorum usum Renum tonum tandem labefacere solere. Propinetur ꝑiv. vel ꝑvj. ter in die.

*Julapii Emmenagogi ꝑxij.*

℞. Vini albi ꝑvj. Aq. Pulegii ꝑiij. Aq. Bryon. comp. ꝑij. Ol. Sabinæ gut. xij. Ol. Garyoph. gut. viij. Sacch. albi ꝑj. m.

Sanguinem exagitando; Obstructiones referando; & Uterum stimulando, Menses movet. Atque tunc præcipuè convenit, quando Menses nimis parvè, tardè, & non *ιὀδογας*, sed cum Dorsi, Abdominis, aut Uteri dolore fluunt. Ubiunque verò Sanguis multum reperitur diminutus, aut depauperatus; ubi totalis adest suppressio; malumque est confirmatum, & diuturnum; frustra tunc sunt Emmenagoga. Dof. ꝑiij. bis in die per biduum ante expectatum tempus.

*Julapium Epilepticum.*

℞. Cort. Peruv. pulv. ꝑvj. Rad. Serp. Virgin. ꝑij. Aq. Ceras. nig. & Flor. Tiliæ ā ꝑviij. Aq. Rutæ, Galegæ ā ꝑiij. Pæon. comp. ꝑij. Tinct. Epilep. (infra descr.) ꝑiij. Syr. Pæon. comp. ꝑiij. m. f. Julap. Sumat patiens ꝑiij. manè, & vesp. ante Plenilun. & Novilun. vitrum agitando, Ti-

Titulus vires indicat.

Ferunt Brannerum Archiatrum Halensem Turturem deplumasse, & Umbilico Epilepticæ, in Paroxysmo, imposuisse; atque sic Paroxysmum abegisse. Extrahi enim fumum quandam venenatum scribunt; quo extracto, ipse Turtur convellatur, & moriatur. Id quod in Fæminis (& si Epilepsia sit ex consensu Uteri) verò consentaneum esse puto. Sennert. tom. 2. p. 478.

*Fulpii Hysterici* ꝑ xij.

℞. Aq. Ceraf. nig. Artemis. Puleg. ā ꝑ iij. Bryon. comp. ꝑ ijs. Tinct. Castor. ꝑ ss. Ol. Succini gut. xxiv. Sacch. alb. ꝑ j. m.

Affectionem Hystericam refrænât; in quantum Spiritus irritat; atque huc illuc excurrere & effèri cogit. Cùm enim ipsi inordinatè habentes, & inæqualiter dispersi, in quibusdam locis densius, inque aliis tenuius scatent, proindeque functionum suarum munia quædam, ac potissimum intra Cerebrum, aut Præcordia, intermittunt, aut perversè agunt; optimum tunc remedium est, ut ab hujusmodi Pharmaco ingrato perturbentur, & exagitentur magis: propterea namque illi, tanquam à loris inflicti excuscati, & velut flagellati, *ἀταξίας* priores relinquunt, & sponte sua in ordines regulares, & pristina officia redeunt. Dos. ꝑ ij. vel ꝑ iij. Hoc autem remedium non omnibus æque convenit, siquidem cernere est aliquas, quibus Oleum Succini ructus odiosos excitat, & valdè est ingratum.

*Fulpii Idei* ꝑ xij.

℞. Vini Canar. ꝑ iv. Rad. Irid. Florent. incif. ꝑ iv. Infunde leni tepore hor. j. Col. adde Aq. Rosar. Dam. ꝑ iv. Cinnam. hord. ꝑ ij. Aq. Cœlest. Spir. Hor.

Hormini, Succı Chermes col. ā ʒij. Syr. ē Rubo  
Idao ʒifs. Fol. Auri N<sup>o</sup>. ij. m.  
Cardiacum est.

*Fulapii Moschati ʒ xij.*

℞. Aq. Rosar. Damasc. ʒvi. Naphæ ʒj. Cinnam.  
hord. ʒij. Pæon. comp. ʒifs. Mosch. Ambræ grif.  
(cum Sal. cc. gr. j. tritæ) ā gr. ij. Croci (scissi,  
& in nodulo lig.) ʒj. Ol. Garyoph. gut. j. Con-  
fect. Alchem. ʒij. Syr. Garyoph. ʒifs. m.

Mulcimine pergrato Spiritus in Ventriculum  
copiosius allectat, & languidos refocillat. Tem-  
peratum quidem est, sed Nobile prorsus Car-  
diacum. In Febribus mali moris, quæ vapores  
deleterios ad Stomachum suffundunt; Spiritus-  
que labantes irritant; in confusiones & spasmos  
adigunt; & Singultum inde excitant; nondum  
hactenus præstantius novi remedium; aliquan-  
do enim divinitus succurrit, & Singultum su-  
perat. Ut ingenuè tamen fatear, hoc Symptoma  
adeò indomabile, & funestum sæpè observavi,  
ut neque hoc, neque aliud quodcunque reme-  
dium, vel excogitare vel invenire mihi adhuc  
licuit, quod illi par esset; sed totis viribus licet  
certaverim, Fatis tamen frustra obniscus mortem  
depellere non potui. Dentur cochl. v. tertiis ho-  
ris.

*Fulapium Moschatum Infantum.*

℞. Aq. Ceraf. nig. ʒifs. Pæon. comp. ʒifs. Sp.  
Lavend. comp. gut. xij. Moschi (cum Sal. C. C.  
gr. j. & Sacch. candi albi ʒifs. optimè super por-  
phyritem lævigati) gr. vj. Margarit. lævig. ʒj. m.  
Dentur ʒij. vel ʒiij. ter in die, vel sæpius, In-  
fantulo recens nato contra Convulsiones; atque  
ita plus, pro ætatis ratione, bimulis, trimulif-  
ve, Tussi convulsivâ vexatis.

*Julapii Pectoralis* ℥xij.

℞. Aq. Fœniculi ℥vj. Puleg. Hyssopi ā ℥ij.  
Tinct. Dulc. Tinct. Croci (Aq. Theriac. paratæ)  
ā ℥j. Tinct. G. Ammon. Benzo. Ol. Anisi, Sp. Sal.  
Armon. ā gut. xij. Sacch. alb. ℥vj. m.

Constat particulis volatilibus, oleosis, & balsamicis, pulposo dulcium crassamine acceptis, & incorporatis; atque ea de re compositè & diversimodè operatur: etenim incidit, & lenit; attenuat, & maturat; Serum falsum corrigit, & Pituitam crassam eliquat; Pulmonum tonum roborat, & Bronchia ab infarctu liberat: Summatim optimum est Thoracicum; & cujuscunque ferè generis Tussi convenit. Dos. cochl. ij. statim à singulis Tussiendo nixibus finitis.

*Julapii Perlati Attemperantis* ℥xij.

℞. Aq. Borag. Lujulæ ā ℥iv. Rosar. Damasc. Cinnam. hord. añ ℥ij. Margarit. præp. ℥j. Sacch. candi albi ℥iij. Ol. Nuc. Mosc. gut. j. m.

Febricitantibus angores patientibus valdè grato & præsentaneo est subsidio: quippe dum neque sanguinem exagitat, aut rarefacit; neque æstum promovet, aut intendit; Ventriculo interim sæculentiis acribus, & adustis humoribus, (à sanguine despumationem conanti suffusis, & à fermentatione præternaturali excoctis) laboranti, & ferè succumbenti, subvenit: grato enim & edulcoranti embammate illum perfundit; exindeque illo recreato, Spiritus, & influi, & insiti, per totam machinam novo vigore inspirati, confestim refocillantur; plurimum & sustentantur. Dos. cochl. vj. ad libitum.

*Julapii Perlati Cordialis* ℥xij.

℞. Aq. Ceraf. nigr. Aq. Lact. Alexit. añ ℥iv. Cinnam. hord. ℥ij. Epidem. Pæon. comp. añ ℥j. Mat-

Margarit. pp. ʒj. Sacch. candi albi ʒiij. m.

Iisdem pollet viribus ac proximè prægressum: at quoniam aliquantò magis calidum, spirituosum, & activum est, rectius præscribitur quoties non solum Ventriculus aggravatur, & malè patitur; sed insuper debita sanguinis fermentatio deficit; Spiritus labascunt; Pulsus vacillat; & regimen animale universim fatiscit. Dentur cochl. v. vel. vj. in languoribus.

*Julapii Perlati Hysterici ʒxij.*

R. Aq. Ceraf. nig. Artemis. ā ʒiij. Puleg. Rutæ, Bryon. comp. ā ʒij. Margarit. ʒj. Sacch. candi albi ʒiij. m.

Hujus usus indicatur non (ut superiorum) quando Ventriculus, aut Sanguis, primariò & præcipuè laborant; sed quando Spiritus ipsi vel inordinate agglomerantur, & spasmodicè exploduntur; vel copulâ heterogeneâ onerantur, & torpidè subsidunt: uti evenit cum Vapores, & Languores Hysterici, Tremores, Subfultus, aut Affectus Convulsivi, Comatosive, febricitantibus vel adsunt, vel intentant. Propin. cochl. v. ter in die, vel sæpius pro re nata.

*Julapii Perlati Phtisici ʒvj.*

R. Aq. Limac. Pect. noſt. ʒviii. Cinnam. hord. ʒvi. Syr. Balsam. ʒij. Margar. præp. Div. Ol. Nuc. Mosch. gut. j. m.

Utile est ad Spiritus reficiendos, & vires fulciendas; ad Ventriculi acidum retundendum, ejusque tonum conservandum; ad Tubercula Pulmonibus nata dissolvenda, & vasorum oscula conglutinanda; ad humorum acrimoniam demulcendam, & colliquativam sanguinis diathesin corrigendam; denique ad Calorem Hecticum extinguendum; & ne lymphæ copiosè per Tracheam

Trachæam & Glandulas Pulmonum expuatur,  
exhibendum. Dos.  $\zeta$ iv. ter in die; vel cochl. v.  
in Languoribus, ad libitum.

*Julapii Pleuristici*  $\zeta$ xij.

R. Aq. Papav. errat.  $\zeta$ vj. Tussilag.  $\zeta$ iv. Syr. Pa-  
pav. err.  $\zeta$ ij. Lap. Prunel. Sang. Hirc.  $\bar{a}$  Div. m.

Ad sitim alleviandam; Sanguinem refrigeran-  
dum; Coagulum lentescens dissolvendum; Ob-  
structionem inde natam expediendam; dolorifi-  
cam membranarum crispationem relaxandam;  
Circulationem per partem restituendam; Expe-  
ctorationem, & Diuresin promovendam, den-  
tur  $\zeta$ iv. ter in die.

*Julapii Proprietatis*  $\text{ibj}$ .

R. Vini Canar.  $\zeta$ x. Aq. Ment.  $\zeta$ ij. Aq. Gent.  
Comp.  $\zeta$ iv. Rad. Angel. Hispan. Garyoph.  $\bar{a}$  Div.  
f. infus. tepida, & clausa 2. horas. Col. adde Elix.  
Propr. tartaris.  $\zeta$ ij. m.

Ad Appetitum excitandum, Nauseam tollen-  
dam, & Concoctionem juvandam. Propin.  $\zeta$ ij. hor.  
is. ante Prandium, & statim à Prandio quotidie.

*Julapii Puerperarum*  $\zeta$ xij.

R. Aq. Melissæ, Ceras. nig.  $\bar{a}$   $\zeta$ ij. Cinnam.  
hord. Stephani, Syr. de Mecon.  $\bar{a}$   $\zeta$ ij. Laud. liq.  
gut. 40. m.

Ad Dolores post Partum expertum, & bene-  
dictum est remedium. Neque quis hic, nisi planè  
inexpertus, metuat Lochiorum obstructionem  
ab ejus usu subssecuturam; cum è contra, maxi-  
mè frequens occasio suppressionis eorum ab in-  
tenso dolore repetenda sit, inde enim turbatur  
spirituum ordinatus motus; stringuntur undi-  
que in corpore fibræ; & tenduntur; simul Ute-  
ri ejusque membranosæ Vaginæ fibrillæ: hinc  
excernendorum per hæc loca debitus supprimi-

tur fluxus. Unde memorato in casu (non tantum Ratione, sed & Experientia annuentibus) Opiata, præ cæteris fausto cum successu exhibentur: ab eorum siquidem usu, cessante dolore, relaxata fibrarum constrictione; & in ordinem restitutum spirituum motu, tantum aberit ut suppressus inde sit purgamentorum effluxus, ut è contrâ auspiciato magis, placidius, & copiosius, redeat.

Et quamvis aliqui non infimæ classis Authores hanc medicationem vituperent, & vitent; alii tamen magni nominis Medici, experientiæ innitentes, magnopere celebrant. Et ex animo consulunt.

Si quando (inquit Willis de Febr. cap. 16.) cum Lochiorum suppressione. Sanguinis perturbatio insignis, cum Vomitu, Siti, & Vigilis adfuerit; sæpè Laudanum Croco admixtum felici successu exhibitum novi.

Si, aliis remediis frustra usurpatis. Lochia: adhuc supprimantur, hoc in casu (inquit Sydenham Epist. ad Cole p. 169.) Laudanum, Una saltem vice tentandum. Hic Laudanum, quantumlibet suapte indole astringat, cum tamen Spirituum perturbationem (à qua solennis Lochiorum evacuatio fuerat interrupta, compescat, quandoque plurimum juvare, & (Emmenagogis nihil proficientibus) Lochiorum fluxum postliminò revocare possit.

Sedulò interim animadvertendum est, quòd si telo hoc semel missò, scopum non attingamus, nec sequantur Lochia, Opium nullo modo est repetendum.

Hanc suam Cautionem non de nihilo esse concedendum est; quoties Partus difficilis, enormè sanguinis dispendium, Spirituum jactura, & Natu-



turæ subfidentia, totalem jam Lochiorum sup-  
pressionem, & Febrem putridam, induxerunt.

Cum verò (viribus mediocriter adhuc con-  
stantibus) Caramenia debitò parcius effluerent,  
Laudanum singulis noctibus repetitum, illa ac-  
celerasse, Vapores Hystericos repressisse, Vigo-  
rem (ultrà quælibet Cardiaca) restituisse, sæ-  
penumero observavi.

Dosis cochl. a vj. ad viij. bis in diè, si casus  
repetitionem postulaverit.

*Julapii Resocillantis ℞ij.*

℞. Vin. alb. Gall. (vel Rhen.) ℞ss. Aq. font.  
℞ xvij. Succ. Limon. recent. expressi ℞ij. Rob. Ri-  
bium ℞j. Syr. è Rubo Idæo ℞iv. m. & col.

Febrientibus, æstu siti languentibus, pergra-  
tum est subsidium.

*Julapii Refrigerantis ℞ij.*

℞. Aq. Portulacæ, Borag. Lujulæ ā ℞iv. Aq.  
Ros. Dam. Succ. Limon. depur. ā ℞j. Syr. è Rubo  
Idæo ℞ij. m.

Remedium est Febriticantibus expetitissi-  
mum; ad saburram nempe in Ventriculo adu-  
stam corrigendam; Pituitam crassam inciden-  
dam; fervorem Stomachi extinguendum; Sitim-  
dam; fervorem Stomachi extinguendum; Sitim-  
inexplebilem alleviandam; & Sanguinis ebulli-  
tionem enormem deprimendum. At verò, Ne  
quid nimis: de Succo enim Limonum (inquit  
River.) hoc notandum est, cautum esse debere  
illius usum; quia frequentius aut nimia copia  
exhibitus, Aphas facti in Ventriculo, & excor-  
riationes; undè Lienteria succedit: quod mul-  
tò magis de Acidis mineralibus dicendum est.  
Dosis ℞ij. vel ℞iv. ter in diè.

*Julapii Scorbutici ℞ij.*

℞. Aq. Flor. Samb. ℞xx. Aq. Raph. comp. Syr.

Bac. Samb. ā ʒvj. Sp. Cochlear. ʒfs. Ol. Saffaph.  
gut. iv. m.

Titulus vires indicat. De Scorbuticorum operandi ratione consulantur. Cerev. Scorb. Cal. Decoct. Scelotyrb. & Elect. Scorb. Cal. Dosis ʒiv. bis in die.

*Julapium de Sedo.*

℞. Aq. Sperm. Ranar. ʒviii. Succ. Sedi deputati, syr. Limon. ā ʒij. m.

Potenter refrigerat; ebullientis Sanguinis æstum coërcet; Ventriculum ferventem recreat; Sitim sedat, Fauciumque ardorem alleviat.

*Julapii Splanchnici ʒbj.*

℞. Aq. Ari, Fumar. Fl. Samb. ā ʒvi. Aq. Gent. comp. Lumbric. Magistr. Syr. è ʒ Rad. ā ʒiv. Tinct. Sal. Tart. ʒifs. Sp. Coch. Elix. Propr. Tartarifati ā ʒij. m.

His addi possint (pro re nata) Salis Chalybis ʒj. ut antè in Julapio Chalybeato.

Ventriculi succum acidum, & nidorosum, corrigit, Phlegma incidit; Tonum stabilit; Scorbuto medetur. Sed quoad posteriores ejus vires, quas in Viscerum regione, & Sanguinis massa, & Emunctoriorum recessibus edit, ne Cramben bis coctam apponam, ad Cerevis. & Decoct. Splanchn. Lectorem relego. Dos. ʒij. vel ʒiv. mane, & quarta pomerid. per aliquot hebdomadas.

*Julapii Stomachici ʒbj.*

℞. Vini Xeroensis, Aq. Cinnam. hord. ā ʒiv. Aq. Ment. Gent. comp. Absint. comp. Syr. Cydon. ā ʒij. Ol. Garyoph. Nuc. Mosch. ā gut. ij. m. Addi possunt Theriacæ Ven. ʒij.

Sarcinam mucaginosam, & putrilaginem fædam, Ventriculi plicis & villis adhaerentem, & illum polluentem, corrigit, incidit, & dimovet.

Fibras ejus debiles, & flaccidas, sale volatili oleoso perfundit. Et roborat; Spiritus hospites copiosius eo allicit, & recreat: atque ita Tonum restaurat; Calorem nativum restituit; Appetitum revocat; Coctionem juvat; Ructus curat; Flatus dissipat; Nauseam & Vomitum tollit. Exhibeantur, ad cibi Appetentiam excitandam, ℥iij. vel ℥iv. hora j. ante Pastus: vel, ad Coctionem auxiliandam, immediatè post Pastus.

*Julapii Styptici* ℥xij.

℞. Aq. Plantag. ℥vj. Aq. Sperm. Ranar. ℥iv. Syr. è Coral. Comp. ℥ij. Terræ Japon. Croc. Mart. altring. ā ℥ij. Sacch. Saturni gr. vj. Laud. liq. gut. 40. m.

Sanguinis turgescenciam inordinatam compescit; ejusque impetum malè sanum cohibet: Serum nimis acre precipitando corrigit; austeritatemque in ferendo, ejus eruptionem prohibet; tandemque hiatum & aperturam valorum occludit. Conducit in Hæmorrhagia narium; Hæmoptysi; Hæmorrhoidum & Mensium fluxu; Mictuque cruento, Dentur ℥iij. bis, terve in die.

*Julapii Succinati* ℥xij.

℞. Aq. Petrofel. & Fœnic. ā ℥iv. Aq. Lumbric. Magistr. Raph. comp. ā ℥j. Syr. è 5. Rad. ℥ij. Sal. Succini ʒss. m.

In Anasarca (non verò Ascite) plurimum possunt Aperientia, Dissolventia, & Diuretica: Oritur enim hicce Affectus, quatenus Lympha morbose redundans in partes fibrillosas (quæ canaliculatum per totum corpus sunt undique dispositæ) suffunditur: atque propagatur, & augetur, quatenus Lympha ista in crassamentum gelatinosum concrecens, obstructionesque fi-

gens, ulteriori adhuc lymphæ appellentis suffu-  
sioni occasionem præbet. Ideoque quæcunque  
possunt istiusmodi gelatinam eliquare; è fibril-  
lis extrudere; in massam circulantem reducere  
& per Urinam denique ablegare; magnæ esse  
efficaciæ, & utilitatis, liquido patet. Hoc verò  
opus cum à solis Aperientibus, & Volatilibus  
Diureticis expectandum est; præfens Julapium  
contra Hydropem (dummodo carnes ipsas dun-  
taxat allicit, & non in Abdominis cavo deponit-  
ur) multum levaminis afferre solet. Catharti-  
cis debitis intercalatis, præpinentur ꝑiv. ter in  
die.

*Julapii Volatilis ꝑij.*

R. Vin. Canar. ꝑij. Aq. Cinnam. ꝑij. Sem. Fœ-  
nic. dulc. Carui ā ꝑij. Nuc. Mosch. Cubeb. Car-  
dam. ā ꝑij. Caryoph. Croci ā ꝑij. Digerantur Hy-  
pocausti calore hor. i. Col. adde Syr. Balsam. ꝑij.  
Spir. Lavend. comp. Spir. Sal. Armon. ā gut. octo-  
ginta. m.

Non immeritò Stomachicis, Cardiacis, & Ce-  
phalicis accenseatur; siquidem Ventriculum ma-  
ximè confortat; Sanguinem blandè exagitat; &  
Spiritus æquabiliter expandi facit.

*Jusculum Cancrorum Fluviatilium.*

R. Cancros fluviatil. N. 100. Contundantur  
vivi; dein coq. in Aq. ꝑiv. ad ꝑijss. Sub finem  
adde Mac. fol. ij. Nuc. Mos. ras. N. j. Vini Mala-  
cent. ꝑijss. Col. Abforbeatur haustus bis in die.

*Jusculum Consummatum.*

R. Caponem (evisceratum, & in frustula con-  
cis.) N. j. Ped. Ovil. & Vitul. ā N. iv. Raf. C. C.  
Eboris ā ꝑijss. Lig. Sant. citr. ꝑij. Dactyl. N. xx.  
Passul. ꝑiv. Hord. perl. ꝑij. Coq. in Aq. Cong. j. ad  
ꝑiv. sub finem addendo Flor. Bellid. maj. Herb.  
Tul-

Tussilag. Capil. Ven. Pulmonar. macul. ā M. j.  
Mac. fol. ij. Nuc. Mosc. N. j. Vini Malacen. lbj.  
Col.

Commodissimè præscribitur Valetudinariis ;  
è Morbo longo emacianti reconvalescentibus ;  
& Phthisicis ; ubi Vires languent ; Nutritio ple-  
nior requiritur ; nec tamen Ventriculus solidis  
cibis concoquendis par est : minimo enim cum  
negotio coquitur ; facillè distribuitur ; citò ag-  
glutinatur ; nec à calore partium statim discuti-  
tur. Insuper istiusmodi mollem , toridum , &  
glutinosum succum suggerit ; qui particulas san-  
guinis salinas , asperas , duras , & esseras demul-  
cet , quasi visco oblinat , emollit , & compescit ,  
nè per corporis canales impetuosius delata , &  
duriter affricantes , partium solidarum substan-  
tiam prædentur , & abripiant. Concedatur lan-  
gus haustus bis , vel ter in die.

*Jusculum Galli.*

Rad. Eryng. cond. ʒij. Rad. Chinæ , Scor-  
zon. Passul. Corinth. Dactyl. ā ʒj. Raf. C. C. Ebor.  
ā ʒss. Sem. quat. frig. maj. ā ʒij. Capil. Vener. M.  
ij. Crustam. Panis albi veteris , Gallum ( stran-  
gulasum , deplumatum , evisceratum , & propè  
contusum ) Coq. in Aq. Hord. lbvj. ad lbij. Col.  
adde Vini Canar. lbj. Elect. Salsaph. Succ. Cher-  
mes ā ʒss. Syr. Bals. q. s. m.

*Jusculum Gammarorum.*

Rad. Caudas xx. Gammarorum , Rad. Eryng.  
cond. ʒj. Crustam Panis albi , Passul. exacin. ʒij.  
Glycyrrh. ʒiij. coq. in Aq. font. lbij. ad lbj. f. col.  
Sumatur ad ʒiij. aut ʒiv. ter in die. Eodem modo  
paretur Jusculum Limacum.

Tanta Cancris , Gammaris , & Astacis ineffectus  
edulcorandi vis , ut vel Aceti ipsius aculeos ma-

nifestè obtundant; & intra corpora nostra sumpti Stranguriæ acrimoniam mirè tollant: Ideoque; in Febre Hæctica, & exindè orta Atrophia, ubi massa sanguinis succo alibili, blando, subdulci, & oleoso privata aciescit, fervet, & nutritionis penum nimis parcum, aut depravatum suppeditat, apprimè reperitur utile: & assumatur bis in die.

*Fusculum Phthysicum.*

R. Conf. Ros. rub. ꝑiv. Rad. Symph. maj. ꝑij. Raf. C. C. ꝑj. Capil. Ven. M. j. Pulmonar. macul. M. ij. Plantag. M. fs. Passul. maj. ꝑij. Dactyl. N. iv. Coq. cum Pullo Gallinaceo & Frustulo Colli Vervec. & Micæ Panis albi ꝑiij. in Aq. q. f.

Post coctionem, colaturam, & pinguedinis ablationem, sumatur scutellum bis terve in die.

*Lapis Alexiterius.*

R. Succini, Coral. rub. ā ʒfs. Antimon. diaphor. Rad. Contray. Ocul. Cancr. ā ʒj. Chel. Cancr. ʒfs. f. Pulv. super Porphyritim lævigandus, qui Gelatinâ C. C. exceptus form. in Globulos. Addi possunt Amb. grif. gr. xij.

*Lavamentum Hydropicum.*

R. Sp. Vini rectific. ꝑiij. Sp. Lavend. ʒj. Pil. Coch. maj. ʒfs. Opii crudi ʒij. m. pro Lavamento.

Per se usurpari potest; vel (quòd melius) misceatur cum æquali quantitate Ol. Fl. Sambuci per Infus.

Efficax habetur Remedium contra Tumores Aquosos; Abdomen puerorum tumidum; & Pedes Hydropicè tumefactos; si benè inungantur Partes, coram igne luculento, bis in die. Neque ullum erit Grangrænæ periculum ex hujus usu; quoniam (ob particulas spirituofas) calorem nativum fovet; Poros partium aperit;

&